

詳校官助教 李巖

欽定四庫全書

普濟方卷一百四十

傷寒門

治傷寒心腹脹痛

論

明 周王 朱 撰



夫傷寒心腹脹痛者其中人臟腑久冷因染斯疾未得汗間心神煩熱遂服涼藥及飲冷水傷於心脾動於風冷故冷心腹脹痛也或有經吐下已後不解內外有熱

亦心腹脹痛此為內有結實故也

歌曰腹痛腎今通脈

實疼便秘結虛痢利脹則陳皮梗下良又論云邪在裏陽邪入裏與正氣搏則為腹痛所以痛者有異馬脈實腹

痛滿大秘者實痛也脈虛腸鳴而大便泄者虛痛也陰陽異証用藥不同大抵痛為邪氣實法當疎利陰受病則今液用養正丹輩溫而利之少陰腹痛四逆或欬或悸或小便不利或泄利下重四逆散下利清谷脈精欲絕通脈四逆湯腹痛小便不利用真武湯誤下太陽因而復滿時痛是有表復有裏為太陰太陽俱病用桂枝芍藥湯痛甚桂枝加大黃湯實痛者闕脈實煩燥腹滿大便秘結桂枝加大黃湯小氣湯胃中熱胃中邪氣腹

痛欲嘔吐則用黃連湯虛痛者寸脈濇尺脈閉腸鳴泄利先與小建中湯不瘥小柴胡去黃芩加芍藥之易間用建中湯加遠志服中冷痛四肢厥逆用姜附湯腹脹者陰陽不和也桔梗半夏湯最良活人書云本云太陽

病醫反下之因爾腹滿時痛病有表有裏仲景所以用桂枝加芍藥湯主之痛甚者加大黃桂枝加芍藥即是小建中也太陰脈弱自下利設當行大黃芍藥者宜減之其人胃虛陽氣易動故也下利者先煎芍藥十餘沸難經云痛為實大抵痛宜不仲景云發汗不實腹滿痛者急下之宜大承氣湯又曰腹中滿痛有冷痛尺脈弦腸鳴屬大柴胡湯腹痛有二証有熱痛有冷痛尺脈弦腸鳴泄利而痛者冷痛也小建中湯仲景云陽脈濇陰脈強法當腹中急痛先與小建中湯不瘥者與小柴胡湯小柴胡去黃芩加芍藥陰証腹痛即四逆散通陳四逆加芍藥腹小便不利者真武湯也闕脈實腹滿大便秘之按而痛者實痛也桂枝加大黃湯黃連湯大承氣湯主之又問腹脹滿者何也陰陽不和也桔梗半夏湯最良仲景論太陽証發汗復腹脹滿者厚朴生薑半夏甘草人參湯下後心煩腹滿臥起不安者梔子厚朴湯吐後腹脹滿者與調胃承氣湯少陰病六七日腹脹不大便

者急下之宜承氣湯也

方

厚朴散 出聖惠方 治傷寒因有熱服冷藥過度心腹脹痛

厚朴 去粗皮塗生姜汁炙令香熟一兩 當歸 剉微炒 枳殼 麩炒微黃去穰 木

香 大腹皮 剉各半兩 訶梨勒 煨用皮一兩

右粗搗篩每服四錢水一中盞入生姜半分煎六分

去滓不計時候稍熱服

木香散 出聖惠方 治傷寒冷氣積在腹中脹疼痛

木香 枳殼 麩炒微黃去穰 柴胡 去苗 當歸 剉微炒 乾薑 炮製

剉半兩 吳茱萸 湯浸七遍焙乾微炒一分

右粗搗篩每服三錢水一中盞入棗三枚煎六分去

滓稍熟不計時候服一方吳茱萸用生姜半分同煎

桃仁散 出聖惠方 治傷寒心腹脹滿疼痛

桃仁 水浸去皮尖雙仁麩炒微黃 枳殼 麩炒微黃去穰 神麴 炒令微黃 麥蘖

炒令微黃 桂心 白朮 各一兩

右為粗散每服三錢水一中盞煎六分去滓稍熱不

計時服之

當歸散 出聖惠方 治傷寒脾胃虛心腹脹痛不思飲食

當歸 剉微炒 乾薑 炮製剉 桂心 芍藥 陳皮 湯浸去白

穰 枳榔 各一兩

右為散每服三錢以水一中盞煎六分去滓稍熱不

計時候服

赤芍藥散 出聖惠方 治傷寒脾胃氣滯心腹脹痛不欲飲食

赤芍藥 訶梨勒 煨用皮 當歸 剉微炒 肉豆蔻 去殼 人參

去蘆頭 郁李仁 湯洗去皮尖微炒 桂心 各三分 陳橘皮 湯浸去白穰焙

枳榔 各一兩

右為散每服三錢以水一中盞入生姜半分棗三枚

煎六分去滓不計時溫服

柴胡散 出聖惠方 治傷寒發汗氣壅不散攻心脹痛

柴胡 去苗 黃芩 赤芍藥 枳榔 各三分 枳殼 麩炒微黃去穰

半夏 湯洗七遍去滑 大腹皮 剉 木香 各半兩

右為散每服三錢以水一中盞入生姜半分煎六分

去滓不計時候溫服

赤茯苓散

出聖惠方

治傷寒卒心腹痛脹滿不下飲食

赤茯苓

桔梗

去蘆頭

陳橘皮

湯浸

人參

半兩去蘆頭

檳榔三分

右為散每服三錢以水一中盞入棗三枚煎六分去

滓稍熱不計時候服

大黃丸

出聖惠方

治傷寒大腸氣壅心腹脹滿疼痛四肢骨

節酸疼煩悶不得眠臥

川大黃

一兩剉碎微炒

木香

桂心

甘草

炙微赤剉各一分

枳

殼

麩炒微黃去穰

檳榔

各半兩

郁李仁

三分湯浸去皮尖微炒

右為末煉蜜和搗一二百杵丸如梧桐子大每服不

計時候以溫酒服下三十九以利為度

治傷寒冷氣攻心腹脹滿疼痛不下飲食方

出聖惠方

木香

赤芍藥

厚朴

去粗皮生薑汁炙令香熟各三分

甘草

一分

炒微赤剉

吳茱萸

湯浸七遍焙乾微炒

桂心

乾薑

炮製剉

白朮

青橘皮

湯浸去白穰焙各半兩

右為散每服四錢以水一中盞入棗三枚煎六分去

滓不計時候稍熱服

半夏散出聖惠方治傷寒心腹脹滿疼痛膏膈壅滯或嘔噦

不能飲食宜服

半夏湯洗七遍去滑前胡去蘆頭訶梨勒皮 赤芍藥 人

參去蘆頭各三分桂心 木香 檳榔各半兩陳橘皮湯浸

去白穰

右為散每服四錢以水一中盞入生姜半分煎六分去滓稍熱不計時候服

厚朴散出聖惠方治傷寒汗後腹脹疼痛

厚朴二兩去粗皮塗生薑汁炙令香熟川大黃剉碎微炒人參去蘆頭各一兩

芎藭 赤芍藥 陳橘皮湯浸去白穰各三分

右為散每服四錢以水一中盞入生姜半分煎六分去滓稍熱不計時候服

桃仁湯出聖濟總錄治傷寒後心腹脹痛

桃仁湯浸去皮尖雙仁炒令黃陳麴炒大麥蘖炒桑甘各一兩白

木桂去粗皮各一兩

右粗搗篩每服三錢水一盞煎半盞去滓食前溫服
烏藥散治厥陰病脇腹引小腹而痛者此為疝也

烏藥 茴香 青皮 赤豆 乾漆 沒藥
各一兩 各二兩

右除硃砂別入搗篩為散取一錢溫酒或白飲和服
仍以鈐按伏之患釋

柴胡芍藥湯 出聖濟總錄 治傷寒發汗後邪熱不除腹脇脹

痛

柴胡 去苗 芍藥 黃芩 去黑心 大腹皮 半夏 湯洗去滑

炒 枳殼 去穰 麩炒 檳榔 剉一分

右粗搗篩每服三錢水一盞入生姜半分拍碎同煎
至半盞去滓溫服未又方治傷寒發汗惡氣心腹脹
滿以薄荷煮汁服之

傷寒厥逆 論

夫傷寒病手足逆冷其名曰厥此因陽氣衰陰氣盛陰
盛則陽脈逆而不通於四肢所以逆冷其證令人惡寒

不飲水下利清穀或清便自調或小便數證默靜是其候也宜溫之灸之若灸之而手足不溫者為難治然厥亦有熱厥者先發熱而後厥熱深厥亦深熱微厥亦微脉難沉伏按之當滑若或畏熱或飲水揚手擲足煩燥不得眠大便秘小便赤外證昏憤者雖厥不可溫也宜下之陰陽相乘而生寒熱厥者脉證似同而大異寒厥者初得之四肢冷脉沉微而不數多惡寒引衣自覆下利清穀外證多惺熱厥者初得之必發熱頭疼脉雖

沉伏按之必數其人或畏熱喜冷揚手掉足煩燥不眠大小便秘赤外證多昏冒傷寒亦然治之各有方傷寒厥者冷也甚於四逆也經曰厥有陰陽氣不相順接便為厥厥者手足逆冷是也謂陽氣內陷熱氣逆伏而手足為之冷也經曰傷寒一二日至四五日厥者必發熱前熱者後必厥厥深者熱亦深厥微者熱亦微是知內陷者手足為厥矣少陰病但厥無汗而強發之必動其血未知從何道出或從口鼻或從目出是名下厥上

竭亦是言發動其為熱也先熱而後厥者熱伏於內也
先厥而後熱者陰退而陽氣得復也若始得之便厥者
則是陽氣不足而陰氣勝也大抵厥逆為因所主寒者
多矣而又有進退之別經曰病厥五日熱亦五日設六
日當復厥不厥者自愈發熱四日厥反三日厥少熱多
其病自愈厥胃熱反厥五日其病為進寒多熱少陽氣
退故而進也病至厥陰傳經盡也當是之時陽氣勝陰
厥少熱多其病則愈若或陰氣反勝陽不復厥多熱少

其病則逆厥為陰氣至也熱為陽寒復也至是下利則
曰先厥後發熱而利必自止見厥復利厥者復為熱為
陽氣得復而利必自止熱者復為厥是陰氣還勝也故
復下利矣諸陽受氣於胃中邪氣客感於胃中鬱鬱留
結則陽氣不得敷布而手足為之厥經曰手足厥冷脉
乍緊邪結在胃中必中滿而煩飢不能食病在胃中當
之者是矣厥為陰之盛也若更加之惡寒而倦者陰氣
之極也則難可制經曰少陰病惡寒身倦而利手足厥

冷者不治是厥冷之逆者神丹其能生乎哉

厥有二証有陰厥有

陽厥仲景所謂無深則厥深也蓋陽極則發厥也不可一例作陰証治之初得病而身熱至三四日熱後氣方深大便秘小便急或譫語煩燥昏憤及利有熱証而反發厥者陽厥也急用大柴胡湯大承氣湯隨輕重用之若有大段輕者白虎湯初得病身不寒逆者陰厥也四衣自蓋或下利或小便數無熱証而厥逆者陰厥也四逆湯理中湯通脈四逆湯當歸四逆加茱萸生薑湯陰陽二厥脈皆沉所以使人疑也陰厥脈沉遲而弱陽陰脈沉而滑或去繁又陽厥指爪時時溫陰厥常冷也証治論云若兩脈不見者只以外証辨冷熱也若未辨陰陽者且與四順丸哉之若是陽厥辨當見熱証若是陰厥不發熱矣手足指頭微寒者謂之清此疾為輕只可服理中之類已成厥者則用四逆也脈不至者通脈四逆等湯厥而脈乍結者邪氣結在胃中也亦令人厥爪

蒂散吐法厥而恆恡者有水也宜洗治水屬厥陰藏厥

辨傷寒四逆四肢逆而不

溫者是也積涼成寒積溫成熱非一朝一夕之故其所

由來者漸矣傷寒始者邪在皮膚當太陽陽明受邪之

時則一身手足盡熱當少陽太陰受邪之時則手足自

溫是表邪漸緩而欲傳裏也經曰有傷寒四五日手足

溫而渴者小柴胡湯主之是太陽之邪傳之陽也傷寒

脈浮手足自溫者是為繫在太陰是少陽邪傳於太陰

也是知邪氣在半表半裏則手足不熱而自溫也至於

邪傳少陰而裏證已深雖未至厥而手足又加之不溫是四逆也若至厥陰則手足厥冷矣經曰少陰病四逆其人或欬或悸或小便不利或腹中痛或泄利下重者四逆散主之方用柴胡枳實芍藥甘草四者皆是寒冷之物而專主四逆之疾是知四逆非虛寒之證也又有四逆諸湯亦治四逆手足寒方用乾薑附子熱藥者厥有旨哉若手足自熱而至溫從四逆而至厥者傳經之邪也四逆散主之若始傳之手足便厥而不溫者是陰

經受邪陽氣不足可用四逆湯溫之大須識此勿令誤也四逆與厥相近而非也經曰諸四厥者不可下是四逆與厥者異也吐利煩燥見四逆者死是惡見其四逆也診視之間熟詳究之

歌曰四逆須將腎証詳病來手足但微涼枳芍藥傳經劑邪

中陰經四逆湯 又論云手足不溫謂之四逆陰經之邪主之太陰受病手足自溫傳至少陰則有手足四逆之証四逆之與厥冷實相遠也或曰均是四逆耳而四逆湯散一寒一熱用藥何不類也蓋手足自熱而至溫由溫而至四逆是傳經之邪非虛寒之候也四逆散主之若得病已來手足不溫便成厥逆此則陰經受邪陽氣不足也可以四逆溫之臨診要當審此雖然吐利煩燥惡見四逆四逆下利惡寒而倦並屬少陰又為不治

之診故併及之少陰四逆其人或欬或悸或小便不利或腹中痛滿或泄利下重並用四逆散初病以來厥冷四逆即用四逆湯溫溫兩足脛逆冷有本條凡厥逆冷厥初來厥有源沉遲而弱冷常存熱身發厥初身熱沉滑時平指爪溫陽氣伏藏陰氣越出陰陽不相接所以厥也其手足厥冷之証乎蓋諸陽曾于四未陽微而為陰所勝初病便厥者是為冷厥其脈沉遲按之則弱惺惺而靜惡寒引衣足多掣臥或身上粟形或下利清穀也熱伏于內失熱而後厥者是為熱厥脈秘沉滑按之則數昏塞狂言發渴露手揚衣或燥不得眠或大便不得利也外証皆可驗焉若先厥而後得熱是則陰邪退而陽氣復矣傷寒熱多厥少其病當愈厥多熱少其病則延下利則發厥一條亦厥者復為熱為有瘳熱者復厥為已甚蓋下虛則厥陰實使之陽長陰消其可也雖然傷寒血証亦有四肢厥以至昏迷悶絕者此又不可知至若少陰不利惡寒而倦手足厥冷與未臟厥一

証皆為不治之診厥之為厥可無辨乎冷厥初病便作四肢逆冷足掣惡寒引衣自蓋不知湯大小便而有滑泄外証默默而醒四逆湯理中湯白通加豬膽湯當歸四逆湯加茱萸生薑湯可選此方用之又痰厥氣厥腎厥宜用易簡芎辛湯最良熱厥初病身熱然後發厥其人則畏熱揚手擲足反煩燥飲水頭汗大便秘小便赤弗鬱昏憤蓋當下失下血氣不通故四肢逆冷所謂熱深則厥深下証悉則而見厥逆者此也可與大承氣湯及大柴胡湯或白虎湯熱厥與冷厥相類但指爪時溫為異耳若疑似明未的當且以四順丸試之陽厥則有熱陰厥則無熱寒熱而厥者一手或兩手無脈面色晦昧不澤急然五味子并麻黃細辛甘草湯人參調血過脈可以為佐服無汗解則生投藥無汗或脈不至者不治水治厥者心下怔忡可用茯苓甘草湯邪氣結胃中而厥者脈乍緊結乍心煩滿飢不欲食可與瓜蒂散吐之臟厥者七八日逆冷下利發燥無時暫安則不能活

痰飲厥逆眩運少與三牲飲妙

方

吳茱萸湯

出聖惠方

治傷寒吐利手足逆冷心煩悶絕宜服

吳茱萸

湯浸七遍焙乾微炒

甘草

各一分炙微赤剉

棗

五枚

生薑

參

去蘆頭

厚朴

各半兩去粗皮塗生薑汁炙香熟

右細剉都以水三大盞半煎至一盞半去滓不計時

候分溫四服

益智子散

出聖惠方

治傷寒曾經發汗吐下寒氣未退脾胃

氣虛胃膈煩滿手足逆冷宜服

益智子

川烏頭

炮製去皮臍

肉桂

去

當歸

剉微炒

乾姜

炮製剉

細辛

高良姜

剉

甘草

炙微赤剉各半兩

前胡

去蘆頭

厚朴

各一兩去粗皮塗生薑汁炙令香熟

右搗篩為散每服三錢以水一中盞入棗三枚煎至

六分去滓不計時稍熱服

通脈散

出聖惠方

治傷寒病脈沉厥逆宜服

麻黃

一兩半去根節

肉桂

去皴皮

附子

各二兩炮製去皮臍

甘草

半兩炙微赤剉

右搗篩為散每服四錢以水一中盞入生姜半分棗三枚煎六分去滓不計時候稍熱服

治傷寒吐下之後胃氣虛寒食即吐逆四肢厥冷宜服

此方出聖惠方

人參去蘆頭

白朮

桂心

附

炮製去皮臍

厚朴

各一兩去粗皮

塗生姜汁炙令香熟

乾姜

炮製

陳橘皮

湯浸去白穢焙

甘草

各三分炙微赤剉

右搗篩為散每服四錢以水一中盞煎六分去滓不

計時候稍熱服

附子散

出聖惠方

治傷寒手足厥冷脉細欲絕者宜服

附子

炮製去皮臍

白朮

各一兩

高良姜

各二分剉

厚朴

各一兩半去粗皮

生薑汁炙令香熟

甘草

一分炙微赤剉

右搗篩為散每服四錢以水一中盞煎至六分去滓

不計時候稍熱服

白朮湯

出聖惠方

治傷寒四逆手足厥冷汗出脉微及內有

久寒

白朮

一兩半

人參

三分去蘆頭

桂心

乾姜

各半兩炮製剉

附子

一兩炮製一作製去皮半兩 甘草 一分炙微赤一作三分

右搗篩為散每服五錢以水一大盞煎至五分去滓

不計時候稍熱服

附子湯 出聖惠方 治傷寒大熱出汗熱不去腹內拘急四肢

厥冷并不利方

甘草 炙微赤剉 乾姜 炮製剉 赤芍藥 各一兩 附子 半兩炮製去皮臍

右搗篩為散每服五錢以水一大盞半煎至一盞去

滓不計時候稍熱服

治傷寒手足厥逆嘔吐涎沫頭痛宜服此方

吳茱萸 半兩湯浸七遍焙乾微炒 人參 一兩去蘆頭

右搗篩為散每服三錢以水一大盞入生姜半分棗

三枚煎六分去滓不計時候稍熱服

芍藥湯治傷寒下利清穀裏寒外熱汗出而厥腹痛兼

嘔

芍藥 一兩 附子 炮製去皮臍三分 人參 甘草 炙各半兩

右剉如麻豆每服五錢鹽水一中盞半入生姜半分

拍碎同煎八分去滓服日晚再服

吳茱萸湯治傷寒手足厥冷脉細欲絕者

吳茱萸湯淘三遍 焙乾炒 當歸切 焙 芍藥各一兩 甘草炙三分 乾

姜炮製 半兩 桂去粗皮 一兩 細辛去苗葉 三分

右粗搗篩每服五錢鹽水一盞酒半盞棗三枚擘破

同煎八分去滓溫服

人參湯治傷寒裏寒外熱手足多厥

人參 白朮各一兩 細辛去苗葉 乾姜炮製 三分 甘草炙去 半兩

右粗搗篩每服五錢鹽水一盞半煎至一盞去滓食

前溫服

陽起石丸治傷寒四逆

陽起石 太陰玄精石 硝石 附子炮製去皮 臍各等分

右搗篩研為細末湯浸蒸餅和丸如梧桐子太每服

五丸至十九新汲水下汗出解

正陽丸治傷寒手足厥冷脉沉細方見本門 陰毒類

澤瀉湯治脉沉者

半夏半升紫參五兩一作紫死澤瀉三斤以東流水五斗煮取一斗五升生姜

五兩白朮五兩甘草 黃芩 人參 桂枝各三兩

右吹咀內澤瀉汁中煮取五升溫服五合至夜盡服

青龍湯下已多唾口燥寸脉沉尺脉微手足厥逆氣從

小腹上衝胃咽手足痺其面翕如醉壯因腹下流陰

股小便難時復胃者與茯苓桂心甘草五味子湯治

其氣衝

茯苓四兩桂心 甘草各二兩五味子半升

右吹咀以水八升煮取三升去滓分三服溫服

衝氣即低而反更咳胃滿者用茯苓甘草五味子去桂

加乾姜細辛以治其咳滿方

五味子半升甘草 乾姜 細辛各一兩茯苓去黑皮四兩

右吹咀以水八升煮取三升去滓溫服半升日三服

咳滿即止而更復渴衝氣復發者以細辛乾姜為熱藥

也服之當逆渴而渴反止者為支飲也支飲也支飲

洪當冒胃者必嘔嘔者腹內半夏以去其水方

半夏 五味子 各半 茯苓 四兩 細辛 乾姜 甘草

各二兩

右吹咀以水八升煮取三升去滓溫服半升日三

水去嘔止其人形腫者應內麻黃以其人遂痺故不內

麻黃內杏仁方 出千金方

杏仁 五味子 半夏 各半 茯苓 四兩 乾姜 細辛

甘草 各三兩

右吹咀以水一升煮取三升去滓溫服半升日三若

逆而內麻黃者其人心厥所以然者以其人血虛麻黃發其陽故也

若面熱如醉此為胃熱上衝其面加大黃利之方

大黃 乾姜 細辛 甘草 四兩 茯苓 五味子

半夏 杏仁 各半

右吹咀以水一斗煮取三升去滓溫服半升日三服

咳而上氣肺脹其脈浮心下有水氣脇下痛引缺盆設

若有實者必燥其人常倚仗小青龍加石膏湯主之方

石膏 乾姜 桂心 細辛 各二兩 芍藥 甘草 各二

兩 麻黃 四兩 半夏 半升 五味子 一升

右吹咀以水一斗先煮麻黃減二升下藥煮取二升半強者服一升羸者減之小兒四合仲月京用治肺脹咳而上氣煩燥而喘脉浮者心者有水外莖同

赤丸方治傷寒氣厥逆

茯苓 半夏 各四兩洗 烏頭 二兩炮 細辛 一兩一作人參

右為末之內真珠為色煉蜜丸如麻子大先食酒飲

下三九日夜一服不知稍增之以知為度

附子散治傷寒時氣

附子 炮製去皮臍 桂 剉去粗皮用各半兩

右搗羅為散每服三錢鹽熱酒調頓服厚衣蓋汗出為度

奪命川附湯治體虛減冒傷寒頭疼發熱或日輕夜重或午或早或晚或終日單發大熱雖渴不喜冷脉沉細氣虛者可服予嘗以此藥醫十數人自能醫者皆

效故附錄之

川附一雙去皮臍炮切片

右吹咀作一服水一碗生姜十三片煎七分出水
中沉冷再露一宿次早五更冷服一二口復歇看腹
中有無發熱如無熱再進二三次服其熱自退神速
之效

四逆湯治傷寒厥逆表熱裏寒下利清穀食入則吐或
乾嘔或大汗大吐下之後四肢冰冷五內拘急舉體

疼痛不渴脉沉伏

大附子生用去皮臍半兩 乾姜半兩 甘草炙一兩

右剉散每服四錢水二盞煎七分去滓食前溫服併
進取效

返陰丹出王氏博濟方 治傷寒厥逆

太陰玄精石一兩為末 硫黃一兩為末 硝石一兩為末 膩粉半兩

右依次第而在乾煨斗內用濃墨染紙蓋之子覆之
以慢火煨久揭看藥上有黃牙生便止入乳鉢內門

氣細研五七百下用蒸餅丸如皂子大傷寒脉細四肢冷逆及曾轉瀉者濃煎艾湯一盞先熱與喫一半細嚼一九下須臾汗出便差重者不過二九必愈

傷寒後不得眠論

夫衛氣晝行于陽夜行於陰陰主夜主臥謂陽氣盡陰氣盛則自瞑矣今熱氣未散與諸陽所以陽獨盛陰偏虛今病後不得睡者陰氣未復故也 榮衛之氣晝行於陽則寤夜行于陰則寐傷寒差後臟腑皆虛榮衛出

入不能循常緣熱邪未散與陽氣并衛氣獨行於陽入

陰則陽盛陰虛故不眠

歌曰不眠腎証利而煩大熱勝眊胃裏乾吐汗出下餘懊懣熱

多熱少數般看

經曰胃不和臥不安不和者津液乾

焦邪熱煩燥陽獨盛而陰獨虛故爾蓋夜以陰為主陰

氣則目閉而臥安惟夫陰為所盛故終夜煩擾而不得

寧所謂陰虛則夜淨者此也若陽虛而陰盛焉又有夜

盡晝煩之証耳少陰不利而渴不得眠猪苓湯此亭水

也若二三日以上心煩不得眠黃連阿膠湯主之甚良

太陽發汗多或大汗出胃中乾燥熱不得眠欲飲水者

與之胃和即愈矣若脉浮小便不利渴可與五苓散吐

欽定四庫全書

普濟方

三十一

夢可用梳子或湯陰勝陽則驚悸昏沉宜用酸棗湯瘥後不得眠者熱氣與諸陽相併陰氣未復故也宜用梳子烏梅湯或湯簡溫膽湯加竹茹此可過用又多眠歌多眠神思若沉昏自汗風溫默默然狐惑唇瘡沉細腎太陽浮細亦癡眠陰邪陽盛人多昏默昏昏閉目者陰司闔也默默不言者陰主靜也多眠四証二者病在經若太陽惡寒其脉浮細是陽氣未盡復也若狐惑淹沉素得之下利則不忘陽可知矣此所以為陽盛與風溫証尺寸俱浮自汗喘息體重不休嘿嘿然欲眠不可發汗可與葳蕤湯病在少陰厥陰二經狐惑經四肢沉重咽乾聲啞上下唇瘡害人甚急有本條少陰証尺寸俱沉細且欲寐急與四逆湯復其陽氣又少陰欲吐不吐煩而多寐五六日自利而渴張氏無治法若是小便利者可可用四逆湯甚妙張氏又云少陰病脉脉微沉細多寐汗出不煩欲吐若變証者五六日自利煩燥及不得寐者死少陰証變難變難活貴乎詳而審之可也太陽

証頭煩痛惡寒嗜臥脉浮細或胃脘滿者宜用小柴胡湯脉且浮宜麻黃湯胃傷風發黃嗜臥自有本條差後昏沉似降妖或時寒熱或時潮語言錯謬精神少毒在心胃汗未消傷寒差後半月以來終不能惺惺謬錯言語精短少或寒或熱似瘧或潮熱頰赤鑿者若以風魁治之非也是由發汗不盡餘毒在心炮絡開致之然也瘥後昏沉不醒可與知母麻黃湯再取微汗瘥後勞復食後見下後有熱條瘥後胃膈餘熱虛煩而吐用竹葉湯加生姜後差喜睡膈上有寒宜用理中丸差後從腰以下有水氣宜用牡蠣澤瀉散差後日暮微煩以其病方差強與穀食而不消也節飲則可愈矣

方

麥門冬散

出聖惠方

治傷寒後體虛煩熱不得睡臥少思飲

食宜服

麥門冬

去心

黃芩

各二分

茯神

熟乾地黄

人參

去蘆

頭

黃耆

剉各一兩

甘草

炙半兩微赤剉

右搗篩為散每服五錢以水一大盞入生姜半分棗

三枚粳米五十粒煎至五分去滓不計時候服

治傷寒後虛煩不得眠睡心中懊懣宜服梔子烏梅湯

出活人書

甘草

炙微赤剉

梔子仁

黃芩

各半兩

烏梅肉

十四枚微炒

柴

胡一兩去苗

右搗篩為散每服四錢以水一中盞入生姜半分竹

葉二十七片豉五十粒煎至六分去滓不計時候溫

服

熟乾地黄散

出聖惠方

治傷寒後體虛心煩不得眠臥四肢

少力

熟乾地黄

一兩半

白芍藥

羚羊角屑

茯神

黃

著剉

麥門冬

去心

酸棗仁

微炒

人參

去蘆頭

右搗篩為散每服四錢以水一中盞煎六分去滓入
鷄子清一枚攪令均溫服

又方 出聖
惠方

半夏 三分湯洗
七遍去滑 白茯苓 一兩 黃芩 一兩

右搗篩為散每服五錢以水一大盞入生姜半分粳
米五十粒煎至五分去滓溫服

酸棗仁散 出聖
惠方 治傷寒後體虛乏力筋脉拘急四肢疼
痛不得睡臥宜服

酸棗仁 一兩
微炒 麥門冬 去心 防風 去蘆頭 芎藭 各半 當歸

微炒 白茯苓 羚羊角屑 人參 去蘆頭 黃耆 剉各
三兩

右搗篩為散每服四錢以水一中盞入生姜半分棗
三枚煎六分去滓不計時候溫服

麥門冬散 出聖
惠方 治傷寒後胃氣虛乏不思飲食四肢少

力心神煩悶不得睡臥

麥門冬 去心 黃耆 剉 人參 去蘆頭 白朮 白茯苓 各

兩 酸棗仁 甘草 炙微
赤剉 芎藭 桂心 半夏 湯洗
七遍

去滑各半兩 陳橘皮 三分湯浸去白穢焙

右搗篩為散每服四錢以水一中盞入生姜半分竹葉七片棗三枚煎六分去滓不計時候溫服

茵陳散 出聖惠方 治傷寒後伏熱在心中恍惚多驚不得睡

臥宜服

茵陳 犀角屑 赤芍藥 麥門冬 黃芩 梔

子仁 甘草 各半兩炙微赤剉 柴胡 去苗 茯神 各一兩

右搗篩為末每服四錢以水一中盞入生姜半分竹

葉二十七片生地黃一分煎至六分去滓不計時候

溫服

梔子豉湯 出德生堂方 治傷寒汗後虛煩不得眠臥劇者必

反覆顛倒心中懊懣感胃發為寒熱頭疼體痛並皆

治之

梔子 十四枚 香豉 四合

右吹咀麻豆大每服三錢水一盞煎至七分去滓溫服一二服得吐止後服一方有薤白一握一方黑砂

糖一小塊嚼下用服以漿水投之即吐

酸棗仁湯出活人書治傷寒吐下後心煩氣乏晝夜不得眠

酸棗仁炒一兩麥門冬去心焙二合甘草一分炙知母切焙半兩

白茯苓去黑皮芎藭 乾姜

右吹咀如麻豆大每服四錢水一盞半煎至一盞溫

服

酸棗仁甘草湯出聖濟總錄治傷寒後勞損煩燥不得眠

酸棗仁微炒四兩甘草炙剉當歸切焙桂皮去粗皮人參 白茯

苓去黑皮石膏碎芎藭各三兩圭志去心一分

右粗搗篩每服五錢水一盞半煎至一盞去滓溫服

不拘時

酸棗仁湯出聖濟總錄治傷寒汗後不得眠睡

酸棗仁微炒二兩人參一兩石膏碎桂皮去粗皮知母切焙甘草

炙各半兩赤茯苓去黑皮三分

右粗搗篩每服五錢水一盞半煎至八分去滓溫服

不拘時

酸棗仁黃芩湯 出聖濟總錄 治傷寒餘熱未散不得眠睡

酸棗仁 微炮二兩 黃芩 去黑心 麥門冬 去心焙 甘草 炙各半兩 遠志 去心 車前 各一兩 人參 切 茯神 去木各一兩 桂 去粗皮三分

右粗搗篩每服五錢水一盞半生姜五片煎至一盞去滓食前溫服日再服

治傷寒後虛煩不得眠睡吐逆

梔子仁湯 出聖濟總錄

梔子仁 炒各一兩 酸棗仁 炒一兩 芎藭 陳橘皮 去白

焙人參 去蘆頭 白茯苓 去黑皮各一兩

右粗搗篩每服三錢水一大盞生姜三片煎至七分去滓食前溫服日再服

人參湯 出聖濟總錄 治傷寒後虛勞不得眠煩悶四肢乏力

方見傷寒門虛類

此胡湯 出聖濟總錄 治傷寒後虛煩熱驚悸不得眠睡 方見傷寒

麥門冬茯苓飲 出聖濟總錄 治傷寒後煩滿心神恍惚不得

眠睡 方見傷寒門虛煩類

普濟方

二十七

地骨皮飲 出聖濟總錄

治傷寒後虛煩躁熱累夜不得眠頭

疼眼疼迷悶

地骨皮 洗 麥門冬 去心各二兩 酸棗仁 炒三兩

右粗搗篩每服五錢水一盞半入生姜五片煎七分

去滓食後溫服

梅實丸 出聖濟總錄 治傷寒後膽冷不得睡

梅實肉 大棗肉 酸棗仁 炒等分

右同搗成膏丸如彈子大每服一九臥含化服又

酸棗仁湯 出聖濟總錄 治大病後及虛勞不得眠

酸棗仁 炒 榆皮 切各三兩

右粗搗篩每服三錢水一盞煎至七分去滓溫服

黃連阿膠湯 出肘後方 治傷寒少陰病得之二三日者已上

心中煩不得臥

黃連 一兩 阿膠 三分 鷄子黃 半箇 黃芩 一分 芍藥 半兩

右剉散每服四錢水二盞煎取一盞去滓內膠消盡

鷄子黃攪令和溫服日二服

半夏茯苓湯

出肘後方

治差後煩虛不得眠眼中疼痛懊懣

半夏

三兩洗

秫米一升茯苓四兩

右切以千里流水一石揚之萬遍澄取二斗合煮諸藥得五升去滓溫分五服忌羊肉錫酢等物

治差後虛煩不得眠眼中疼痛懊懣

出肘後方

豉七合

烏梅

十七粒

右以水四升先煮梅取二升半內豉取一升半分再服無烏梅用梔子十四枚亦得

溫膽湯

出易簡方

治大病後虛煩不得睡兼治心膽虛怯觸

事易驚或夢寐不祥或異象眩惑遂致心驚膽懾氣鬱生涎與氣傳變生諸證或短氣悸乏或復自汗或四肢浮腫飲食無味心虛煩悶坐臥不安悉能治之

半夏

枳實

各一兩

橘紅

一兩半

甘草

四錢

茯苓

三分

右以咀每服四錢水一盞半生姜七片棗二枚竹茹一塊如錢大煎至六分去滓食前熱服竹茹即刮竹青也此藥大治傷寒後及一切病後虛煩夜睡不寧

者並宜用之 若傷寒後尚有餘熱并熱在正焦兼汗下後表裏俱虛不可攻者宜用竹葉石膏湯不利發熱竹葉湯中去石膏如熱附子名既濟湯嘔者二陳湯 一法治傷寒 証時或發消渴煩燥用新羅參不拘多少煎湯浸冷水冷後盛渴之時與之頓服熱則隨去 大抵傷寒渴者不可多與之水水積胃中便為結胸然亦須濡沫之可也結胸治法見于理中湯方中 傷寒後咳逆其證最為危當用半夏一

兩生姜一兩半白水煎服其他病亦惡咳逆當用丁香十粒乾柿蒂一十五枚煎湯半盞乘熱頓服

傷寒虛汗不止 論

夫傷寒自汗者謂不因發散而自然汗出者是也內經曰陽氣衛外而為固也衛為陽言衛護皮膚肥實腠理禁固津液不得妄泄汗者干之而邪出氣干于衛氣氣不能衛故於外則皮膚為之緩腠理為之疎由是而津液妄泄滅滅然門藜藜然出謂之自汗也如發熱自汗

出而不愈此衛氣不和風邪干于衛也太陽中喝汗出惡寒身熱而渴者暑邪干於衛者也是知衛氣固護津液不冷妄泄心為邪氣干之而出也風寒暑濕之毒為四脉之氣中人則為傷寒風與暑濕為邪皆冷自汗惟寒邪傷人獨不出寒傷榮而不傷衛無邪氣所干則皮膚得以密津液得以固是以不出也及其寒漸入裏得而為熱則亦使自汗出也蓋熱則榮衛通腠理開而汗泄矣然自汗之證又有表裏之別焉虛實之異焉若汗

出惡風微惡寒者此表未解也必待發散而後愈至於漏不止而惡風及發汗發惡寒者又皆表之虛也必待溫經而後愈諸如此者皆邪氣在表者也汗出不惡寒者此為表解而裏未和也經曰陽明發熱汗出此為熱越又曰陽明病發熱汗多者急下之又非若邪氣在表而汗出之可緩也傷寒自汗之證為常也設或汗出髮閏與其出之如油或大如貫珠着身出而不流皆為不治之證也必手足俱周遍身悉潤熱然一時間許煩熱

已而身凉和乃為佳矣此則陰陽氣和水升火降榮衛通流邪出而解之也內經曰陽之汗以天地之雨名之

此之謂也歟歌云月般汗自傷風始風濕風温胃不和中暑亡陽并霍亂陽明柔痙亦同科又

云傷風桂之湯渴者五苓散不渴者茯苓甘草湯自汗出而小便難者桂枝附子湯自汗出而小便數者不可行桂枝也芍藥甘草湯風濕風温各有本條衛不和病人臟無病他時發熱自汗是也桂枝湯亡陽九發汗多而漏不止者曰漏風亡陽桂枝附子湯尺寸脉俱緊主無汗而反汗出曰亡陽屬少陽法當咽痛猪膚湯甘桔湯四肢疾而厥逆惡汗者四逆湯大抵陰病四肢逆冷額上及手背冷者發當無汗而有汗者曰亡陽四逆湯煩燥惡風汗出防風白朮牡蠣湯次服小建中湯汗多不止者温粉揆之霍亂手足逆冷者四逆湯有熱証而

霍亂及中暑者香薷散信效多用小柴胡湯依常法前後極冷服之效陽明汗多而渴者調胃承氣湯陽明法當多汗者不可不知也小便自利者不可用承氣湯攻之宜服蜜導法惡寒者表未解桂枝湯反無汗惡寒者升麻葛根湯反無汗而喘者麻黃湯陽明證自汗出應小便不利而反利者津液內竭也尿雖硬不可攻之宜蜜導法猪膽導法

法

方

石膏散出聖惠方治傷寒頭痛惡寒虛汗不止宜服

石膏 牡蠣各三分 地骨皮 白朮 五味子

黃耆剉 麻黃根各半

右搗篩為散每服五錢以水一中盞煎六分去滓不

計時候溫服

白朮散出聖惠方 治傷寒體虛汗出心煩頭痛惡風宜服

白朮不去根節 麻黃不去根節 石膏各二分 芎藭各二分 甘草炙剉 羌

活羚羊角屑 桂心各一兩 知母各一兩

右搗篩為散每服五錢以水一大盞入生姜半分煎

五分去滓不計時候溫服

治傷寒汗出不歇宜服此方出聖惠方

川大黃剉碎 黃連去須 梔子仁 黃蘗塗密微 麻黃

根去土各一兩

右搗篩為散每服五錢以水一大盞煎至五分去滓

不計時候溫服

治傷寒體虛夜臥汗出不止時發頭旋惡心不食宜服

此方

人參去蘆 半夏湯洗七遍去滑 黃耆剉各一兩 麻黃根一兩 牡

蠣二兩燒為粉 防風三分去蘆

右搗篩為散每服五錢以水一大盞入生姜半分煎五分去滓不計時候溫服

麻黃根湯出聖惠方 治傷寒虛汗不止

麻黃根 黃耆剉 龍骨各一兩 五味子半兩 牡蠣二兩燒為

粉 甘草三分炙微赤

右搗篩為散每服五錢以水一大盞煎至五分去滓不計時候溫服

白茯苓散出聖惠方 治傷寒脉微細汗出不止漸覺虛羸宜服

白茯苓 人參去蘆頭 麻黃根 牡蠣燒為粉 肉蓯蓉

酒浸一宿刮去皴皮炙乾各一兩 白朮 白芍藥各三分 五味子半兩

右搗篩為散每服五錢以水一大盞煎至五分去滓不計時候溫服

人參散出聖惠方 治傷寒虛汗不止多煩燥時時驚悸宜服

人參去蘆頭 遠志去心 白茯苓 麥門冬去心 黃耆剉 柴

胡去苗各半兩 甘草一分炙 龍骨一兩

右搗篩為散每服五錢以水一大盞入生姜半分棗

三枚煎至五分去滓不計時候溫服入竹茹一分同煎

牡蠣散出聖濟總錄 治傷寒脉候軟弱神氣羸劣虛汗不止

宜服

牡蠣一兩燒為粉 白茯苓 人參去蘆頭 白朮 白芍藥

麻黃根各三分

右搗為散每服不計時候以粥飲調二錢

治傷寒體虛汗出不止時時心悸宜服此方出聖惠方

茯神 伏龍肝各一兩半 牡蠣燒為粉 麻黃根二兩

右搗細羅為散每服不計時候煎金銀湯調二錢

治傷寒汗出不止漸至困羸宜用此方出聖惠方

牡蠣燒為粉 麻黃根各五兩 滑石三兩 丁香一兩 甘松香二兩

右搗羅為散每度用生絹包藥五兩揆身體以汗止

為度

治傷寒濕溫汗出偏身如水虛汗不止宜服出聖惠方

杜仲 一兩半去粗皮炙微黃剉 牡蠣 二兩燒為粉

右搗羅為散每服不計時候以溫水調下二錢一方
等分搗篩向暮臥以水服一錢午後汗止者不再服
服之令人乾燥若汗不止者復服一錢不過再必愈
有驗天行及百病後虛吸漏汗遂溫之無不止者

牡蠣散 出聖惠方 治傷寒汗不解宜服

牡蠣 燒為粉 熟乾地黄 白朮 龍骨 人參 各一兩去

蘆頭甘草 炙微赤剉 白芍藥 麥門冬 去心各半兩 黃耆 二兩剉

右搗篩為散每服四錢以水一中盞入生姜半分棗
三枚煎六分去滓不計時候溫服

又方 出聖惠方

麻黃根 牡蠣粉 黃耆 剉 人參 去蘆頭 地骨皮

龍骨 各一兩

右搗篩為散每服五錢以水一大盞入棗三枚煎至
五分去滓不計時溫服

又方 出聖惠方

牡蠣粉 麻黃根 杜仲去粗皮炙 黃耆剉各一兩

右搗細羅為散不計時候煎蛤粉調二錢

又方出聖惠方

麻黃根一兩半 故蒲扇燒灰半兩

右搗細羅為散每服不計時候以牛乳汁調下二錢

治大病差後多虛汗及眼中流汗方出肘後方

甘草 石膏各一兩

右搗末以漿水服方寸匕日二服差

治大病後虛汗出不禁

棗粉 豉各等分炒焦 故竹扇如掌大燒灰

右合搗以絹囊盛粉身立止

治汗不止方出千金方

右用地黃三斤切以水一斗煮取三升分三服

又方出千金方

以白朮葉作飲飲之一方白朮方寸匕日以飲服之

治卒得汗不止方出千金方

以温酒服牛羊脂一方服尿亦止

温肺湯出指南方治感寒多汗

五味子 細辛去苗半夏湯洗七次甘草 乾姜各一兩

右為粗末每服五錢水二盞棗二枚擘破同煎一盞

去滓服

甘草附子湯出指南方

甘草一兩附子一兩炮去皮臍桂四兩去皮

右為粗末每服五錢水二盞煎一盞去滓服

治吹霎胃兩頭痛惡寒虛汗出不止脉氣沉細頭疼痛

嘔逆惡心出護命方

麻黄去根芎藭 藿香 削朮 黄橘皮各一分 甘草

細辛各二銖

右細羅為末每服二錢鹽水一盞煎取八分食後空

心去滓服

傷寒毒攻手足

夫傷寒毒攻手足者熱勝則腫也熱毒之氣客於臟腑

邪結在裏循經而出注於四肢故令人手足煩熱赤腫疼痛也 病源熱毒氣從臟腑中出攻於手足手足則焮熱赤腫疼痛也人五臟六腑并榮膈皆出於手足指故此毒從內而出攻於手足也

方

連翹散

出聖惠方

連翹

當歸

麥門冬

去心黃芩

犀角屑

各一兩

川大黃

剉碎微炒

木香

防風

去蘆頭

羌活

枳殼

麩炒微黃

右搗篩為散每服四錢以水一中盞煎至六分去滓不計時候溫服

去穢牛蒡子

微炒半兩

麝香

一錢細研

治傷寒毒氣攻四肢虛腫宜服此方

出聖惠方

澤瀉

柴胡

去苗

甜葶藶

隔紙炒冷紫色各三分

半夏

湯洗七遍去滑

甘草

炙微赤剉各半兩

右搗篩為散每服四錢以水一中盞入生姜半分棗三枚煎至六分去滓不計時候溫服

細辛散 出聖惠方 治傷寒發渴寒熱唇口乾焦毒氣攻四肢

浮腫

細辛 芎藭 郁李仁 各一兩湯浸去皮尖微炒 赤茯苓 麥

門冬 去心各一兩半 桑根白皮 剉二兩 甘草 三分炙微赤剉

右搗篩為散每服五錢以水一大盞煎至五分去滓

不計時候溫服

治傷寒毒氣攻手足虛腫宜貼膏方 一名鉛丹膏出聖惠方

黃丹 半兩蠟三兩 松脂 麻油 各一兩 乳香 射香 各一兩

右各別研為末以磁器內先鍊松脂并油次下蠟及

黃丹乳香等慢火煎少時候冷攤于絹上貼腫處一

切腫毒并用之 一方無麻油

又方 出聖惠方

清油 一合蠟半兩 鹽花 一合

右以磁器中煉油熟次下蠟并鹽花用文武火煎成

膏貼於腫處

治傷寒毒氣攻手足虛腫疼痛宜服此方 出千金方

用赤馬通一升水一斗五升煮取一斗絞取汁看冷熱以漬手足

又方 出千金方

羊糞末 一兩 煉成猪脂 二兩

右相和令均用塗腫處

又方 出千金方 治時疫傷寒毒攻手足腫疼痛欲斷方

用虎枝半升細剉以水一斗五升煎去一斗去滓看冷熱以漬手足一方令踝上有水尺許止之

又方 出聖惠方

用苦參半斤以水一斗煎至五七沸去滓看冷熱漬手足至踝上一尺止

豉酒方治傷寒毒氣攻手足及身體虛腫宜服此方 出聖惠方

用豉五合微炒以酒一升半煎五七沸去滓隨性稍熱飲之

治傷寒毒氣攻手足腫方 出聖惠方

猪蹄 一具 葱白 蕪須 十莖

右以水五升煮令猪蹄熟去滓入鹽二錢看冷熱漬腫處

治傷寒毒氣攻手足虛腫及疼痛欲脫方 出聖惠方

豉 一斤 猪肉 一斤

右以水一斗煮令猪肉熟去滓看冷熱用漬手足

治傷寒時氣瘟疫病毒氣攻手足虛腫及疼痛欲脫亦治

毒攻陰腫 出聖惠方

用黃檗二斤細剉以水一斗五升煎至五七沸去滓

看冷熱漬手足

又方 出聖惠方

猪肉 一斤 桃葉 一斤

右以水一斗五升煮令肉熟去滓看冷熱漬手足

又方 出聖惠方

用蒼耳苗絞取汁以漬手足

又方 出千金方

以稻穰燒灰淋汁漬之

治傷寒毒攻手足痛

右煮羊桃汁漬之佳少鹽豉尤好

療傷寒手足疼欲脫出千金方

右煮羊屎取汁以灌之一方漬之差止疥療時疫陰

囊及莖熱腫亦可煮黃檗等洗之並除傷寒之疾

防已丸出聖濟總錄治傷寒後毒氣攻四肢虛腫及喘息促

急

防已 葶藶子炒 郁李仁炒 赤茯苓去黑皮 百合各半

兩桑根白皮剉 木通剉各三分 澤瀉炒一分

右搗羅為末煉蜜和更搗三五百杵丸如梧桐子大

每服二十九空心煎桑白皮湯下

五香湯出聖濟總錄治傷寒毒氣攻四肢兩胷背虛腫

沉香 木香 薰陸香 鷄舌香別研各三分 射香研一

錢白薇三分 枳實炒 麻黃去根節 防風 萎蕤 秦艽

去苗獨活去蘆頭 甘草炙各半兩

右除五香別搗外粗搗篩每服三錢 用水一盞煎

至七分去滓下五香末一錢 再煎令沸溫服食前
臥臨日三服

治傷寒餘熱不退

夫傷寒病其人已經發汗吐下或服藥已後而脉洪大
實數腹內脹滿小便赤黃大便難或煩或渴面色變赤
此為藏有結熱故也傷寒後餘熱不解者蓋陰陽未和
邪氣未盡搏留經絡蘊而生熱潮作如瘧鼻衄煩燥面
赤目黃腹滿小便不利大便乾澀或即譫言渴欲水得

脉沉數者當以裏證求之脉若但浮者當消息治其外

又云下之而不熱退者蓋病人脉微而瀉為醫所病大
發其汗使陽氣微之大下之使陰氣弱其人亡血病當
惡寒後乃發熱無休止時蓋陽微則惡寒陰弱則發熱
陽微惡寒四逆湯主之陰弱發熱為內熱葶藶者酒湯
主之大抵傷寒八日已上大發熱者此為難治仲景云
脉陰陽俱虛熱不止者死又有醫人多用九子藥下之
身熱不止者微煩者梔子乾姜湯主之傷寒五六日
大下之後不去心中結痛者未欲解也梔子湯主之

方

犀角散治傷寒餘熱不退心神煩燥

犀角屑

木通

到各三分

黃芩

土瓜根

龍膽

去蘆頭各

一川朴 兩半

右粗搗篩每服四錢以水一中盞去滓不計時候溫服

柴胡湯 出聖惠方 治傷寒餘熱不退發渴煩燥胃隔氣滯不

思飲食

柴胡 去苗 川大黃 剉研 枳殼 麩炒 鼈甲 去裙襴塗

檳榔 人參 去蘆 木香 子芩 赤芍藥 赤茯苓

芩 紫苑 去苗已上 犀角屑 甘草 炙微赤剉 桑

根白皮 剉 一兩

右粗搗篩每服四錢水一中盞入生姜半分煎至六分去滓不計時候溫服

歲蕤散 出聖惠方 治傷寒十日已上餘熱不解時發增寒

歲蕤 柴胡 去苗 桑根白皮 剉 羚羊角屑 川朴

硝 各三分 甘草 半兩炙 石膏 二兩 厚朴 三分去粗皮塗

肉桂 半兩各粗皮

右粗搗篩每服四錢水一中盞入生姜半分煎六分

去滓不計時候溫服

知母散 出聖惠方 治傷寒以汗下後餘熱未退頭痛口乾煩

燥

知母 菴藪根 麥門冬 去心各一兩 甘草 半兩炙微赤剉 右

膏 一兩

右粗搗篩每服四錢水一中盞入生姜半分粳米五

十粒竹葉二十七片煎六分去滓不拘時候溫服

梔子湯 出聖惠方 治傷寒五六日大下之後餘熱不去心中

結痛 方見本門傷寒後不得眠類梔子豉湯但加生姜半分煎

人參散 出聖惠方 治傷寒發汗大下之後餘熱不去心中多

煩

人參 一兩去蘆頭 陳橘皮 湯浸去白穰焙 麥門冬 去心 梔子仁

茯神 各半兩

右粗搗篩每服四錢水一中盞煎六分去滓不計時

候溫服

茵陳散 出聖惠方 治傷寒後餘熱在心恍惚多驚不得安眠

茵陳 梔子仁 赤芍藥 生乾地黄 各三分 犀角

屑 牛兩 麥門冬 去心 茯神 各一兩 甘草 一分炙

右粗搗篩每服四錢水一中盞入生姜半分青竹葉二七片煎六分去滓不計時候溫服

黃芩丸 出聖惠方 治傷寒後餘熱不退口乾煩燥

黃芩 梔子仁 川大黃 剉碎 鐵粉 已上各二兩 甘草

半兩炙 微赤剉

右為細末煉蜜和丸如桐子大不計時候溫水下二

斗丸

龍膽丸 出聖惠方 治傷寒後餘熱在於胃中煩渴悶亂六衣

龍膽 去頭 青箱子 各一兩 黃芩 梔子仁 苦參 剉

蘇根各半 兩川升麻

右為細末煉蜜和搗三百杵丸如桐子大不計時候

溫水下三十九 黃藥剉 各三分

麻黃湯 出聖濟總錄 治傷寒後餘熱脉浮者

麻黃 去根節煎 芍藥 甘草 炙令微赤 桂皮 去粗 細

辛去苗紫各半兩

右粗搗篩每服五錢以水一盞半煎取八分去滓溫

服日三

葛根湯

出聖濟總錄

治傷寒及天行後頭痛餘熱不解初起

葛根

剉

柴胡

去苗各一兩

芍藥

黃芩

去黑心

甘草

炙

桂

去粗皮各半兩

麻黃

去根節掠去沫焙三分

右粗搗篩每服五錢水一盞半棗二枚劈煎至六分

去滓不計時候溫服

葛根湯

出聖濟總錄

治傷寒後餘熱不除及寒熱頭重體痛

表証尚未罷

葛根

芍藥

白茯苓

去黑皮

黃芩

去黑心

烏頭

炮製去皮

枳實

各一兩

梔子仁

半兩

桑葉白朮

右以咀如麻豆大每服五錢水一盞半入豉三七粒

煎至七分去滓溫服餘熱不除及四逆除盡無汗

茯苓湯

出聖濟總錄

治傷寒後餘熱不退心神煩躁

赤茯苓

去黑皮一兩半

人參

炙剉一分

甘草

炙剉一分

不吐

右粗搗篩每服三錢用水一盞煎至七分去滓不拘時溫服

茯苓湯

出聖濟總錄

治傷寒餘熱不除及四肢拘急痛曾膈

不利嘔逆不思飲食

赤茯苓

去黑皮

柴胡

去苗枳殼

桑根白皮

剉各半兩

麥

門冬

去心焙半兩

葛根

剉三分

甘草

各剉半兩

桂粗皮 人參

各一兩

右粗搗篩每服三錢水一盞生姜三片大棗二枚劈

煎至七分去滓溫服

葛根人參湯

出聖濟總錄

治傷寒發汗及吐下後餘熱不退

頭痛滿悶口乾

葛根

剉一兩

人參

兩

麥門冬

去心焙半兩

黃芩

去黑心半兩

黃

著

剉一兩

地骨皮

兩

石膏

碎各半兩

右粗搗篩每服五錢用水一盞半煎至八分去滓溫

服

葳蕤湯

出聖濟總錄

治傷寒數日餘熱不解時發寒熱

姜蕤 芤胡去苗 羚羊角鎊各半兩 石膏碎半兩

右粗搗篩每服五錢水一盞半煎至八分去滓不計

時候溫服

人參湯出聖濟總錄 治傷寒後餘熱不退

人參一兩 知母一分 甘草炙 黃芩去黑心 石膏碎各半兩

右粗搗篩每服三錢水一盞入竹葉粳米各少許同

煎至七分去滓不計時候溫服

柴胡湯出聖濟總錄 治傷寒後餘毒不解頰赤口乾四肢煩

熱

芤胡去苗 茵陳蒿 甘草炙 人參各一兩 大黃剉炒半兩

右粗搗篩每服三錢水一盞小麥五十粒同煎七分

去滓溫服不拘時候

返魂丹出衛生家寶方 治傷寒後餘熱在心膽言妄語甚者顛

狂如失心狀但是一切心疾服之無不尅效

新羅人參一兩 硃砂半兩 酸棗仁一兩湯浸去皮取仁焙乾淨秤

右先將人參為末別研硃砂極細和之酸棗仁焙急

研入藥勿羅猶猪心血圓如桐子大參湯下二十九

日三服後畧臥少時

玄參散

出王氏博濟方

治汗後餘熱未解

無下效

川大黃

玄參

朴硝

白藥子

各半兩

甘草

炙

右件五味同為末每服一錢水一盞煎至八分放冷

服再服差

退黃散

出王氏博濟方

治汗後餘毒未解皮膚黃色

石膏

牙硝

川大黃

山梔子

紅雪

甘草

各等分

右件六味同為末每服一錢水一盞入寒石末少許

同煎至八分溫服立效

普濟方卷一百四十

欽定四庫全書

普濟方卷一百四十一

明 周王朱橚 撰

傷寒門

傷寒兩感論

夫兩感傷寒者一曰巨陽與少陰俱病頭痛口乾煩滿而渴二曰陽明與太陰俱病則腹滿身熱不欲飲食謔音占多言也 言妄語三曰少陽與厥陰俱病則耳聾囊縮厥

逆水漿不入不知人事即難治也何者臟腑表裏同受其邪五臟內傷六腑閉塞陰陽交爭榮衛不行如是之後三日乃死夫傷寒兩感初得一二日不得汗又吐下不得其人四肢沉重心神昏悶手足厥逆心中煩躁渴欲飲水頭疼增寒壯熱或即吐逆腹脇疼痛轉加困重不得睡卧陰陽交併不可救療如此症候當觀其形症善惡察其受病淺深而行拯療亦可差也歌曰兩感膀胱對少陰頭疼口燥大而沉胃脾肝膽二三日脉症雙傳準

例尋又論三傷惟兩感不治兩感者半屬於陰半屬於陽臟腑俱受病也一曰太陽少陰俱病則頭疼口乾燥煩滿而渴脉大而沉二曰陽明太陰俱病則身熱鼻乾譫語腹滿不食脉長而沉三曰少陽厥陰俱病則耳聾囊縮厥冷水漿不入脉弦而沉或三日而彊或六日而仆張氏無治法但曰兩感病俱作治有先後發未攻裏本自不同雙鍾以意斟酌謂如下利不止身體疼痛急先救其裏與四逆湯如不下利但身體疼痛急先救其

表與桂枝湯此為治有先後其達權識變之論也謝復古釋張氏治先後之說亦以為陽先受病在乎表則先解表陰先受病在乎裏則先救裏是一意然先表者裏不可緩先裏者表亦不可緩也與

方

人參散出聖 惠方治兩感傷寒一兩日不得汗脉沉遲心中

煩悶毒氣相傳陰陽交併

人參去蘆 頭 川大黃剉碎微炒 各一兩 附子炮製去皮臍 乾薑炮製

剉 訶梨勒皮各三錢 檳榔五錢

右為麤散每服五錢以水一中盞入生薑半分煎至六分去滓不計時候熱服良久喫熱粥投之以助藥

力

桂心散出聖 惠方治兩感傷寒頭疼身熱心胸悶亂宜服發

表

桂心 前胡去蘆 頭 甘草炙微 赤剉 皂莢灰 厚朴去蘆 皮塗

生薑汁炙令 香熟各一兩

右為細散每服不計時候生薑湯調下二錢頻服汗出為度

解表散 出聖惠方 治兩感傷寒毒氣傳受陰陽交併

附子 炮製去皮臍 麻黃 去根節 乾薑 五錢炮製 薄荷 一分

右為麤散每服五錢以水一大盞煎至五分去滓不計時候熱服衣蓋汗出

四逆湯 出十便良方 治兩感傷寒陰陽二毒交併身體手足厥逆心中熱悶強語三部脉微細宜急救之

乾薑 三分炮製 附子 炮製去皮臍 桂心 各一兩 甘草 五錢炙

右為麤散每服五錢以水一大盞煎至五分去渣不計時候熱服良久喫熱粥以助藥力汗出為度

附子散 出聖惠方 治兩感傷寒徧身疼痛腦目疼悶心胸煩

熱四肢沉重

附子 一兩炮製去皮臍 桔梗 去蘆頭 防風 去蘆頭 桂心 羌活

乾薑 炮製 黃芪 剉 厚朴 去麤皮塗生薑汁 甘草 五錢

天微 赤剉

右為散每服五錢以水一大盞煎至五分去渣不計時候熱服良久喫熱粥投之衣蓋取汗

治兩感傷寒不得汗頭疼心胸不利出聖惠方

人參去蘆頭 赤茯苓 芎藭 枳殼麩炒微黃去穢 厚朴去麩

皮塗生薑汁炙香熟用 桂心各五錢 訶藜勒皮 吳茱萸一分用湯

浸七遍焙乾微炒

右為細散每服三錢以水一中盞入生薑半分棗二枚煎至五分薑棗不計時候和滓稍熱服良久喫熱

粥投之衣蓋取汗

麻黃散出聖惠方 治兩感傷寒內實氣逆不順皮肉乾燥

麻黃去根節 川大黃剉碎微炒 訶藜勒皮 桂心 羌活

赤芍藥 桔梗去蘆頭各五錢 甘草三分炙微赤剉 麥蘖一兩炒令

微黃

右為細散每服二錢以水一小盞煎至五分不計時

候和滓溫服

治兩感傷寒三兩日不得汗悶亂目張四肢逆冷心腹

堅硬大便不通方 出聖 惠方

牽牛子 二兩生搗 取末一兩 川大黃 五錢剉 製微炒 乾薑 炮製 蓬茂

一兩 桂心 各一 二錢

右為細散入牽牛子末同研令勻每服用水一中盞入生薑半分葱白三莖豉四十九粒煎至六分去滓調下二錢取利為度

治兩感傷寒沉重救急有效宜預合此方 出聖 惠方

硫黃 細研水 飛過 硝石 細研如粉 各五兩 皂莢 十挺不蛀者去 黑皮塗酥炙令

黃 焦 去子

右先將皂莢槌碎用十二月雪水一升浸兩日熟授以生絹濾取汁和前件硫黃硝石硬軟得所入甕瓶內盛封瓶口不得通風背陰處掘地二尺深埋瓶從正月一日至十五日取出太濕即更陰乾三兩日即以新炊飯爛研相和丸如菉豆大每服不計時候以葱茶下五丸如是食毒即先轉瀉後服之

治兩感傷寒四肢厥冷急宜服此方 出聖 惠方

附子

子去

五錢 燒半黑

芫花

五錢 醋拌炒 今黃黑色

皂莢

五錢 去黑皮 塗酥炙黃焦

右為末同豉心一合湯浸細研如膏入藥末和丸如梧桐子大每服不計時候用去根節麻黃湯下十丸如人行五里一服以汗出為度

三聖散

出聖惠方

治兩感傷寒昏沉迷悶燥渴頭疼漸加沉

重

天靈蓋

一枚 白色者 塗酥炙令黃

苦參

三兩 甘草 一兩 剉 炙微赤

右為細末服不計時候以熱酒調下一錢

葱朮散

出傳信適用方

治不別陰陽二症染患淺深凡時氣行

瘟疫及尋常風吹雨霎頭目昏重四肢熱倦行步少力骨節疼痛悉皆治之

蒼朮

洗淨十兩 六兩

葱

連根鬚洗淨十六兩

麻黃

不去節 四兩

甘草

二兩 炙

右將葱朮入臼中杵令葱涎相入盆中堅捺令熟冬間半月春夏五七日取出鍋中炒葱葉過焦逐旋篩出以朮乾為度次入麻黃甘草為末每服二錢水一

薑薑三片棗二箇煎七分去滓熱服如要出汗連進
二三服以衣蓋之常服解諸勞倦行路緩急取為先
務

菖蒲飲子

出德生堂

治四時傷寒不問兩感頭疼發熱增寒

咳嗽七日內外皆可服病在上則吐在表則汗下則
泄其病即解並皆治之

川芎

猪苓

去黑皮

藁本

淨

柴胡

去蘆

菖蒲 乾葛

甘草

桑白皮

各五錢

右咬咀如法修製每服五錢水盞半生薑三片同煎
八分去滓溫服滓再煎如要出汗者加連鬚葱白一

根同煎

一方無生薑

三和散

出經効濟世方

治調適陰陽和養榮衛心胸痞悶飲食

不進凡傷寒陰陽不分服之氣正

藿香葉

香附子

去皮

右等分為麤末每一錢水二盞煎至六分去滓溫服
不計時候

一方 出肘後方

用虎杖治大熱煩躁止渴利小便壓一切毒暑月
和甘草煎色如琥珀可愛堪看嘗之甘美瓶置井中令
冷徹如白甕器及銀器中收貯似茶啜之時人呼為
冷飲子又且美於若能破女子經後不通搗以酒浸
常服有孕人勿服破血

烏朮散 楊氏家藏方 治感冒風寒濕氣不問陰陽二症皆可

服之

烏藥 川芎 杜白芷 各十兩 青皮 四兩 蒼朮 七兩 甘

草 一兩 紫蘇 五錢 香附子 各十兩 陳皮 五兩

右為細末白湯點無時服

主傷寒傳諸藏表裏名為兩感方 余居士選奇方

木猪苓 乾地黄 地骨皮 茯苓 麥門冬

人參 各二兩 小麥 一升 桑白皮 二兩

右六味剉作六貼每貼以水三升葱頭七箇小麥桑
白皮煎減半內一貼煎減一升分二貼口苦面腫夜

睡狂語並宜服之

又方

余居士選奇方

人參

茯苓

茱萸

分四

木猪苓

桂心

分六

蕪荑

分八

白朮

分四

茵陳

分十

甘草

分四

右為末煉蜜丸如彈子大熟水研一丸無時服

來甦散

廣南衛生方

治四時傷寒不問陰陽二症表裏不分

並宜服之

香附子

十六兩炒

陳橘皮

八兩不去白

紫蘇葉

十六兩去梗

蒼朮

十六兩炒

甘草

五兩炙

右為麤末每服二錢水一盞煎至七分去滓溫服不

拘時候日可二服

豆蔻散

出王氏博濟方

治兩感傷寒結胸壯熱惡寒飲食不下

大小腸秘塞陰毒愒沉下水結撮痛四肢逆冷心煩

不省人事食後結聚心下逆滿坐卧不得宜服此

肉豆蔻

二枚

麻黃

去根一分

木香

一分

吳白朮

一分

吳茱萸

一錢

附子

八錢炮去皮

乾薑

二錢炮

桂心

三錢

蚬蜋

五箇

磬硃砂今黃去其硃

訶藜勒二枚 檳榔二枚 當歸一分 青橘皮二片 茯苓去皮

白朮八錢 川烏生去皮臍 良薑剉 麻黃不去節 天麻去苗 吳

茱萸生用 葛根 乳香另研 小椒去子并閉口者 全蝎生用 當歸

各一兩 川薑生用 去苗 五錢

右為麤末入乳香勻抄一十錢痛甚者加至十五錢

同細鹽一處炒如極熱用熟絹袋內貯藥熨烙痛處

不拘早晚頻用為効如藥冷即再炒一次用畢其炒

藥不用

薏苡仁散 治濕傷腎不養肝肝自生風遂成風濕流

注四肢筋骨或入左肩髑肌肉疼痛漸入左指中

薏苡仁一兩 當歸酒浸 人參 川烏炮 川芎 白朮

羌活 桂心 防風去蘆 茵芋炒 麻黃去節 乾薑炮

獨活 甘草炙各五錢

右為細末每服二錢空心臨臥酒調下日三服

徐神翁神效地仙丹 治筋骨疼痛打撲傷損仙木湯

送下除寒濕進飲食神効

川烏

一箇去尖

草烏

五箇去尖

荆芥

去枝五錢

蒼朮

一兩米泔浸一宿炒

白

芷

五錢

自然銅

一字研

地龍

沒藥

各五錢研

乳香

五分研

窩

芑種

黃瓜種

稍爪種

木鼈子

各一錢

半兩錢

二文

右為細末醋糊丸如梧桐子大每服十九食後酒送

下

虎骨丸

治經絡凝澁骨節疼痛筋脉攣急遇陰寒

愈痛

南乳香

別研

沒藥

另研

赤芍藥

熟地黄

虎脛骨

炙酥

黃當歸

各一兩

血竭

五錢

右為末用木瓜一枚切破去子入乳香在內以麻縷

定勿令透氣好酒二升煮至酒盡取木瓜去皮研如

泥更入熟蜜少許杵和為丸如梧桐子大每服三十

丸病在上食後在下食前温酒下

治骨節疼痛煩不得屈伸近之則痛短氣得汗出或欲

腫者

附子二兩 桂心四兩 白朮三兩 甘草二兩

右用水六升煮取三升分三服汗出愈

治卒得胸痛瘥而復發者

取菹根五觔搗絞汁飲之立止

加減當歸飲子 治肩忽痛

防風 當歸 柴胡 生地黄 大黃各一兩 芍藥五錢

人參 黃芩各一兩 甘草二錢 黃連五錢 滑石六兩

右為散以白水煎服無時

活絡湯 治風濕臂痛諸藥不效者此方專主之

白朮薄切 當歸淨洗薄切 羌活淨洗去蘆切乾 獨活淨洗 甘草

炙川芎

右剉散每服三錢水一盞半薑五片慢火煎至一盞

去滓溫服不拘時候一方川蒼朮切炒川白芷各二

兩為末每服二錢酒調

起痛丸 治腰臂痛

五靈脂 赤芍藥各五錢 川烏一個 沒藥四錢 麝香一錢

右為末酒糊丸空心温湯送下

葉氏方十味剉散 治中風血弱臂痛連筋及骨舉動

艱難此藥亦補心益血養筋生力

附子 三兩炮 去皮臍 當歸 去土 洗切 黄耆 炙 白芍藥 各二兩 茯苓

防風 去蘆 白朮 各一兩 五錢 肉桂 去粗皮一兩 不見火 川芎 不見火

熟地黄 洗淨用好酒熬令乾 焙之各七錢五分

右修製了再稱吹咀每服四錢水一大盞薑八片棗三枚擘開煎七分去滓通口服食後臨睡日三服温

覆厚衣將養去黄耆熟地黄用當歸去蘆淨洗乾焙

白芍藥川芎白朮人參生附子白茯苓桂心川獨活

防風甘草細剉每三錢薑八片水一盞半煎八分去

滓食前服除寒邪益血氣名川獨活湯製地黄法須

洗淨以好酒浸令乾焙之

五靈脂散 治臂脾痛

五靈脂 荆芥穗 防風 羌活 甘草節 獨

活 川山甲 骨碎補 草烏 各五錢 麝 少許

右為末用溫酒調下臨睡服如渾身損痛加沒藥一錢香酒調下空心服

芎活湯 治水飲停蓄注於絡脈發為臂痛皆因脾土有虧平日多飲水漿不能傳化所致

川芎 半夏湯洗 白茯苓 獨活 陳皮 枳殼去穢

炒各五錢 白朮 各一分 甘草

三物小陷胸湯 治傷寒實結胸無熱證者

桔梗微炒 貝母去心各三分 巴豆去皮心熬黑研如脂一分

右除巴豆外擣羅為散入巴豆各研勻每服強人五分羸人減之並溫熟水調服病在膈上必吐在膈下必利不利進熱粥一杯利不止進冷粥一杯身熱皮粟不解欲引衣自覆若以水澀之洗之益令熱却不得出當汗而不汗則煩假令汗出已腹中痛與芎藥三兩如上法

葶藶湯 治傷寒結胸心下痛如石堅硬小便不利

葶藶子隔紙炒三分 檳榔剉五錢 桑白皮炙剉三分 杏仁湯浸去皮

煎至七分去滓食前温服

大黃桔梗湯 治傷寒熱病飲水結胸硬滿

大黃 剉醋炒 桔梗 炒 甘草 炙 樸硝 各五錢

右粗擣篩每服五錢水一盞半煎至七分去滓食前

温服

大金鍼丸 治温傷寒結胸氣逆手足厥冷嘔逆不定

陽起石 研 不灰木 阿魏 研各五錢 杏仁 二十五枚去皮尖雙仁研

巴豆 二十五枚去皮心膜不出油研

右擣研為細末用軟粟米飯為丸如小彈子大每服

一丸用鍼穿燈焰上燒烟絕為末生薑米飲調服以

利為效

泥金丸 治結胸傷寒心下痛按之實

木香 丁香 大戟 甘遂 麩炒各一分 膩粉 三錢 紫苑

去土 硫黃 兩皂子大 檳榔 大者一枚剉 附子 炮製去皮臍一枚 巴豆

三十粒去皮心膜用胡餅 黑牽牛 三錢半生半炒 水銀沙

子 三錢

右各搗研為末再和令勻煉蜜為丸如小雞頭大看
虛實每服一丸爛嚼燒生薑一塊同咽下藥不得嚼

大戟散 治傷寒結胸轉下不除者

大戟

炒

甘遂

炒各一兩

膩粉

五錢

硫黃

研一分

水銀

蓋子內與硫黃

同研作砂子五錢

右搗研為末再同研勻每服二錢溫漿水調下

越桃丸 治傷寒結胸逐利熱毒

越桃

桃花

暴乾各一分

大黃

生剉五錢

白牽牛

取末五兩

鬱金

二錢丹砂

研一錢

巴豆霜

研五錢

郁李仁

去皮研一兩

右搗研為末滴水丸如小豆大每服一丸蜜水下

陷胸散 治傷寒結胸伏陽在裏心下堅硬按之則痛

前胡

去蘆頭

甘遂

麩炒

甜葶藶

隔紙炒

大黃

剉微炒

馬牙硝

研各一兩

杏仁

湯浸去皮尖雙仁麩炒一兩

右搗研為末每服一錢生薑蜜水調下更看虛實加

減

宣毒丸 治傷寒結胸心下堅硬

白牽牛炒 大黃剉各一兩 滑石 樸硝 續隨子去皮

錢五 郁李仁去皮炒研 甘遂麩炒 大戟麩炒

右搗為末煉蜜和丸如彈子大看虛實以龍腦蜜水化

下一丸

大通散 治傷寒結胸及瘡疹後毒氣攻心涎激喘急

甘遂麩炒一分 生地黄一兩與甘遂同搗焙乾 檳榔剉二枚 麥蘖微炒

錢五 鉛白霜研一分

右搗研為末看虛實用龍腦漿水調下五分

金鍼丸 治傷寒陰氣結伏在內胸膈虛痞或痛不可

忍者

不灰木錢二 陽起石 阿魏各一錢 白丁香 丹砂研

乳香 膩粉各一錢五分 硫黃二分 巴豆去皮膜出油二十七粒

右同研勻細糯米粽子和丸如桐子大每服五丸至

七丸丁香湯下不拘時候

隔毒丸 治傷寒結胸心下堅痛

郁李仁去皮尖 黑牽牛炒 大戟 甘遂各一分 牛黃研

乳香

研各一錢

麝香

研各五分

龍腦

研各五分

右搗研為末同再研勻用白麵糊和丸如梧桐子大每服七丸煎燈心麥湯下臨臥服

聖餅子 治傷寒結胸

甘遂

大戟

去皮各五錢

黑牽牛

生用一兩五錢

輕粉

一錢粉霜

一錢水銀

一錢入硫黃

一錢結沙

巴豆

去皮醋煮黃十四枚

右先將前三味為末入白麵五錢水和作餅子文武火煨焦黃再為末後入四味拌勻水和為丸如菉豆

大捏作餅子每服三餅茶清下

宣風丸 治傷寒結胸熱氣蘊蓄

大黃

末

牽牛子

末

郁李仁

去皮研各五錢

巴豆

一分去皮膜油煤研

右再同研勻煉蜜為丸如小豆大看虛實生薑蜜水下
下一丸至二丸

金黃散 治傷寒結胸心下堅滿

黑牽牛

末

大黃

末各一錢

鬱金

末

胡黃蓮

末各五分

右作一服入膩粉一錢新水調下

治又方

桔梗

微炒

枳殼

麩炒

甘草

炙

右等分每服五錢水一盞半加生薑三片煎至七分去滓服或不用生薑亦可痰多加半夏生薑有熱加

黃芩

治傷寒陽症結胸死無可藥者

出經驗良方

用蚰蟥即蚯蚓十五條乾者搗爛蜜半盞冷水半碗灌服若無蜜砂糖亦妙

三黃湯

出危氏方

治傷寒陰症下之大早致心下痞按之軟

其脈關上浮者主之若表未解未可攻宜先隨風寒

二証投桂枝麻黃湯表解已即服此方

三因方

大黃

蒸

黃連

黃芩

右剉為散每服五錢沸湯二盞熱漬之一時夕去滓分二服暖服或汗出惡寒加附子別煎汁入一合同

服

尅効交泰聖餅子

出衛生家寶方

治傷寒結胸脈浮不可下下

之必死宜用治之

芭豆

十四粒

黃蓮

七寸連皮用

右為末用津唾和成膏填入臍下以艾炷其上腹中有聲其病去矣不拘壯數病去為度纔灸了便以溫湯浸手帕拭之恐生瘡一方加大黃末一錢

治結胸脇秘結方

枳殼

滑石

各二兩

甘草

一兩

右吹咀每服三錢用臭冬橘葉七片同煎溫服連進

三服即解

治傷寒十餘日熱氣結於胸中往來寒熱不定宜服

出聖

惠方

柴胡

去苗

枳實

麩炒微黃

赤芍藥

半夏

湯洗七遍去滑

黃芩

各三

分甘草

五錢炙微赤剉

桔梗

一兩去蘆頭

右為散每服五錢以水一中盞入生薑半分棗二枚

煎至六分去滓不計時候溫服

半夏湯

出聖惠方

治傷寒三四日不能臥但欲起胸中結熱

煩悶脈洪大者

半夏

三分湯洗七遍去滑

黃芩

三分

乾薑

五錢炮製

赤茯苓

參

三分去蘆頭

甘草

五錢炙微赤剉

黃連

右為散每服三錢以水一中盞入棗二枚煎至六分

去滓不計時溫服

前胡散

出聖惠方

治傷寒五日後熱結胸氣不散湯飲難下

腹脹悶宜服

前胡

一兩去蘆頭

當歸

五錢剉碎微炒

川大黃

剉碎微炒

羌活

檳

榔

三分桔梗去蘆頭各一兩

郁李仁

一兩湯浸去皮尖微炒

右為散每服四錢以水一中盞煎至六分去滓不計

時候溫服

大黃散

出聖惠方

治傷寒十餘日熱氣結於胸中往來寒熱

頭痛宜服

川大黃

剉碎微炒

柴胡

去苗

川樸硝

赤芍藥

黃芩

各一

枳實

兩微炒

虎掌

微炒各三分

右為散每服四錢以水一中盞入生薑半分煎至六

分去滓不計時候温服

治傷寒結胸氣噎塞煩悶宜服此賺胸散出十便良方

枳實麩炒微黃 桂心各一兩

右為散每服以温水調下二錢不計時候

治傷寒結胸内有瘀血大便不利小腹滿急宜服出聖惠方

桃仁五錢湯浸去皮尖雙仁麩炒微黃 水蛭炒令微黃 蜜蟲炒令微黃各一分

川大黃一兩剉碎微炒

右為散每服一錢以水一小盞煎至五分去滓不計

時候温服

桔梗散出聖惠方 治傷寒結胸不下飲食四肢煩勞宜服

桔梗去蘆頭 桑根白皮剉 鼈甲塗醋炙令黃去裙襴 人參去蘆頭

赤茯苓各一兩 木香 檳榔各五錢 赤芍藥 白朮各三

分

右為散每服四錢以水一中盞入生薑半分煎至六

分不計時候温服

牛膝散出聖惠方 治傷寒結胸腹中疔痛心下硬如石按之

煩悶宜服

牛膝去蘆

川大黃

剉碎微炒

鼈甲

塗醋炙令黃去裙襴

郁李仁

湯浸去皮

尖微炒各三分

桂心

附子

炮製去皮臍

甘草

炙微赤剉

白朮

各五錢

右為散每服四錢以水一中盞入生薑半分煎至六

分去滓不計時候溫服

恒山湯

出聖惠方

治傷寒結胸煩滿喘息稍急湯飲不下宜

服

恒山

甘草

生用各一分

蜀漆

犀角屑

各半分

右剉為散以水一大盞煎至五分去滓不計時候溫

服須臾當吐為效

木香散

出聖惠方

治傷寒熱結不散胸中痞滿欲成結胸宜

服

木香

二分

赤茯苓

紫蘇莖葉

各三分

旋復花

陳橘

皮

湯浸去白穰焙

檳榔

各五錢

右為散每服四錢以水一中盞煎至六分去滓不計

時候溫服

人參丸 出聖 惠方 治傷寒結胸心膈躁悶宜服

人參 去蘆 白朮 甘草 炙 菰藪根 赤茯苓 牡蠣

燒為粉 各一兩 犀角屑 五錢

右為末煉蜜和丸如梧桐子大不計時候以粥飲送

下三十丸

鼈甲丸 出聖 惠方 治傷寒結胸煩悶熱毒氣結聚不散宜服

鼈甲 一兩 塗醋炙 令黃去裙襴 甘草 五錢 炙 微赤剉 防葵 訶梨勒皮

人參 去蘆 頭 桂心 白朮 川大黃 剉碎 炒 郁李仁

湯浸去皮微 炒各三分

右為末煉蜜和丸如梧桐子大不計時候以溫生薑

湯下三十丸

芍藥散 出聖 惠方 治傷寒結胸心下結硬煩悶腹脹宜服

赤芍藥 訶梨勒皮 鼈甲 塗醋炙 令黃去裙襴 人參 去蘆 頭

黃芩 木香 郁李仁 湯浸去皮尖微 炒以上各三分 白朮 桂

心 枳殼 麩炒微 黃去穰 當歸 剉炒以上 各五錢 杏仁 一兩 湯浸 去皮尖雙

仁麩炒 微黃

右為散每服五錢以水一中盞入生薑半分煎至六分去滓不計時候温服

赤茯苓丸 出聖惠方 治傷寒心中堅硬兩脇脹滿欲成結胸

宜服

赤茯苓

桔梗

去蘆頭

赤芍藥

鼈甲

塗醋炙令黃去裙襴

牛

膝積殼

去苗 麩炒微穰

五味子

五加皮

柴胡

去苗 桂

心 川大黃

剉碎微炒以上各三分

右為末煉蜜和丸如梧桐子大不計時候以温生薑

湯下三十丸

硃砂丸 治傷寒心中硬痛不可忍或腹脹滿欲成結

胸宜服

硃砂

一兩細研水飛過

桃仁

一兩湯浸去皮尖雙

麝香

一分細研

右同研令勻煉蜜和丸如梧桐子大不計時候以温生薑湯送下二十丸

太乙丹 治傷寒結胸心下痞硬不通

禹餘糧

醋滓

玄精石

金星石

銀星石

陽起石

紫石英

白石英

甘錫石

磁石

火煨醋滓七遍

石消石

硫黃

各一兩研

丹砂

乳香

膩粉

各五錢研

阿魏

二錢

巴豆

去皮生用

杏仁

湯浸去皮尖雙仁各七十二粒

右搗研細羅為末糯米飯和丸如彈子大每服一丸

麩炭火上燒存性入膩粉一錢蜜水化下吐瀉脚轉

筋伏陰厥逆生薑蜜水化下

黃蓮梔子湯

出濟生拔粹方

治傷寒汗下後熱結胸中大便澀

微小便赤者

黃蓮

大黃

梔子

黃芩

各五錢

右剉細每服一兩水三盞煎服

桔梗連翹湯

出濟生拔粹方

治傷寒汗下後熱結胸中者

桔梗

連翹

黃芩

各一兩

薄荷

甘草

川芎

各五錢

錢梔子

一個

右剉細每服一兩水三盞煮至一盞去滓溫服

治結胸糖炙法

出衛生家寶方

以冰糖不拘多少置病人胸上其糖乾再塗病愈則止

仙茅丸出王氏博濟方治結胸傷寒及惡候者大效

仙茅一分貫衆五錢黑附子五錢炮去皮臍葶撥一分巴豆五錢去皮

甘草少許乾薑五錢

右為細末麵糊和丸如梧桐子大下結胸生薑棗湯下一丸如五七日病者更打破一丸同前湯使下如常式傷寒只冷漿水下如轉後須用順氣慢表藥服

之汗出即瘥

治傷寒結胸陰證渾身手足俱冷并冷汗出胸前結伏噎塞不通大便虛冷頰是陰證方可喫此藥出護命方

草薺寇 乾薑 黃橘皮 川芎 羌活 桂心

細辛各一分熟牽牛炒半夏各三銖

右為細末每服三錢七分空心熟湯調下

治傷寒後寒熱已退腹中餘一塊疼痛不可忍忽走在

腿面上痛宜服此方出護命方

黃芩 牡丹皮 桑寄生 羌活 荆芥穗 射

干芍藥 桃仁 牽牛 麻黃去根各一分 連翹五錢

官桂半分

右為細末每服二錢五分食後熟湯調下

增損理中丸出活人書 大陰下之胸滿硬諸結胸宜服此

人參 白木各一兩 甘草 乾薑各一兩五錢 黃芩五錢 枳

十二

右為細末煉蜜丸如彈子大沸湯化一丸

稀涎散出危氏方 治結胸膈作為寒熱飲食減少

猪牙皂角 圓白半夏各一兩

右剉為散每服三錢水一盞半煎至七分去滓溫服

入咽便吐去涎即愈



普濟方卷一百四十一

總校官候補知府臣葉佩蓀

校對官編修臣于昂

謄錄監生臣羅應台